

桂枝告状

顺德市粤剧团

二00三年十一月

六场古装粤剧

桂枝告状

顺德市粤剧团

二〇〇三年十一月

第一 场

（小巷李家门口转荒村刘家门口景）

饰景说明：什边角李家门口，正面有小门口屋檐代表厨房，衣角巷口门转景改为荒村什边角刘家门口。

（排子头一句开幕）

保童：（衣边巷上介花下句）一自爹爹西陵贩马我姐弟受苦家堂，可恨后母杨氏三春，暗里私通田旺。（白）田旺每日在黄昏时候就静静走呢后巷搵我母，今日放学我静静走呢后门装吓佢至得（匿埋装）

（宝子田旺从衣边门上鬼鬼鼠鼠拍三吓手掌）

（杨三春食住掌声上介）

春花：（鬼鬼鼠鼠跟在三春后倚门角偷看）

田旺：（口古）三春我两日无见你啫茶饭不思成个颠颠憨憨。

三春：（口古）唔好话你两日未来问我个心就唔安乐，喂，保童桂枝双眼好利害架，我劝你未黑齐都唔好咁张扬。

田旺：（拉住三春口古）三春，讲钱失感情，讲心我至呢探望，啫。

三春：（口古）唉，大抵我前生欠下你一笔债，今生无奈要填偿。

保童：（拈竹升先丰跋口古）我今日重唔装倒你地，我要一竹杆打死你个田七郎，等你无得私相来往。（先丰跋）

（春花一见即急足卸入介）

三春：（搁搁口古）保童，田七爷你系你舅父，你精精地就番

入去，虾一时唔收治，你只衰仔就咁猖狂。

保童：（口古）嘿，你系姓杨既，点会有个舅父系姓田既，佢鼠目獐头摆出都系奸夫模样（介）。

田旺：（口古）忍无可忍我呢个老江湖怕乜你呢个小儿郎。（与保童打抢竹打保跪地介）

（春花引李桂枝叻叻古什边上介）

桂枝：（先丰钹扑埋保童喊喊白）细佬，有无打亲呀细佬。

保童：（喊介白）家姐一个人无左亚妈，离开埋亚爹就系咁惨既叻，三春全田旺有……竟轰。

三春（白）喂，畜牲呢句说出自你口入在人耳，我重有面目做人既咩，你唔锡我我都唔锡你，田旺全我打死佢。

田旺：（白）打（拈竹杆先丰钹欲扫介）

桂枝：（一搁两搁三搁掩门跪地叫白）唉，罢了母亲（短古插包才）娘呀（乙反中板下句）一对小孤雏相依全命未逢夏楚已凄凉，三月哭清明，九月怕登高，命薄难求母养。爹已白发苍苍，本是无心续娶，无非念在失养儿郎，贩马去西陵，佢搏取蝇头欲谋合家安享。娘你饱食丰衣，自当怜孤恤老，勿作红杏出墙。（花）试问十八青童受得几重风浪。

（田旺一路听一路问三春咬耳朵入）

（三春点头会意介）

田旺：（白）三娘保童唔识都重有桂枝识（花下句）呢处的街坊邻里，重有边个唔知你淑德纯良，总之后母难为，自有苍天见谅。（做好做丑拉三春下介）

春花：（开台口喊白）唉也有无打亲你呀，少爷，个只霸王恶鸡 真系无阴功叻，天收佢，等老爷番来收佢。

（三春卸上食住喝白）春花跟我番入去（与春花全下）

桂枝：（口古）细佬，亚爹唔响处，家姐软手软脚唔维护得你，总之诈痴诈聋就好做人，望你以后事事要加忍让。

保童：（口古）家姐，我戥亚爹唔抵几十岁重要去西陵贩马，横掂都做龟公叻，重驶乜搵钱养后娘。

桂枝：（口古）：细佬，你要知到我地好比肉随砧板，呢件事唔好提叻，入去食饭啦，我知到你欢喜食鲜鱼你番学啫，我就独钓湘江之上。

保童：（口古）我唔入去，我睇见个果个奸淫妇，我既怒火就无处收藏。

桂枝：（白）唔食饭饿亲点得呀，吓，我话啦，我全你都无左亚妈，唔好样样都要我担心，难为我呀，拿，你唔入去，我装碗出来比你食啦，唔好喊叻，细佬（入什边）
（保童坐下介）

（华灯初上转夜景）

（田旺从什边上对保童冷笑几声入正面厨房拈菜刀故意作磨刀状介）

保童：（装见台快花下句）死在仓夫刀下，不若自杀投江，姐姐咋是弱质女流，不死更无倚仗。（一见田旺持刀出即飞奔下介）

田旺：（白）睇你飞得去边处（拈刀追下）
（落更介）

（桂枝拈饭一碗上叫保童由慢至急分扑索）

（三春上介）

（春花跟在后静静闪入厨房介）

桂枝：（白）亚妈我细佬去左边处呀。

三春：（白）你细佬已经失左踪，你明知既重问我（口古）你正话见田旺打佢你心痛，就借取饭为由静静叫佢响外便匿埋，等你亚爹番呢既时候向我找人，桂枝你想替个细佬报仇都唔驶咁样既。（打桂枝两巴介）

桂枝：（跌碗先丰钹扑跪牵衣口古）亚妈，你讲出呢句说话，我就明白几分叻，我呢世人，只系得一个亲细佬，有咗我重点做得人呢，妈，希望你还我弟郎。

三春：（唧唧白）你收埋咗佢，重要向我罗系呀（快花下句）。你呢副可怜面目，内有狼毒包藏。若不交出保童，你亦不必再回家往。（拂袖下介）

春花：（从厨房卸上喊介口古）小姐你唔驶喊叻，等我将三春来历在你跟前一番，佢未曾做番头婆入李家既时候，自己亲生仔都可以赶扯叻，何况唔系佢所生既小儿郎。小姐你好快的走叻，我正话匿埋响屏风听住三春吩咐奸夫田旺。佢要先杀保童。然后至番来杀你（一才）好走叻小姐，你既命已垂亡。

桂枝：（快点下句）惊耸此语倍惊惶，此处不容人，更从何处往（春花催迫介）（行几步回头与春花二人相抱哭相思完然后下介）。

（转景）

(春花向桂枝扬手后亦下介)

(桂枝叻叻古完台作种种惊慌关目做手则跌于刘家门口介)

刘志善刘夫人拈小灯笼食住推门上介)

志善：(口古)衣衣，点解有一个女子跌倒在我家门前(介)
待我去问明真况。

夫人：(口古)：小姑娘，你到底有乜野艰难唔怕对我呢个老人家讲既，得帮忙处我都会帮忙。

桂枝：(白)夫人呀(略爽中板下句)未开言已断人肠，家住在褒城景县马头村上。可怜生母早辞阳，继母三春妖荡。出墙红杏惹粉郎。好比哀鸿离家往。荒村四处有刀藏，原已为奴求倚仗。原为婢暂把身藏，穹途再把悲声放。(一才白)(介)夫人呀(牵衣介)

夫人：(口古)：老爷，你剩得有多少家财，我膝下又无儿无女，不如将佢收作螟蛉抚养。

志善：(口古)：睇佢亦生得聪明伶俐，谈吐非常文雅，一定系世代书香。

桂枝：(白)爹娘在上请受孩儿一拜。(介)

夫人：(白)好女儿(双)随为娘入后堂更衣(全卸下介)

赵宠：(背包袱素衣)上南音)历尽千层浪，落魄渡湘江。芦花血泪溅衣裳，有娘生我无娘养。后娘不许我守芸窗。背井离乡求倚仗(二王)踏穹千里路，始见刘氏门墙，志短只为人穷，未敢便把门环扣响。(白)唉，我重有一个妹都系比我后母赶埋出来既，而家寄养响老丫环冬梅企屋，若果得倒表伯收留，然后至再谋团叙系啦

（欲拍门又不敢张望）

桂枝：（换比较靓一点的衣服拈小灯上白）等我全爹娘收左的桑叶番入屋，企至得（介）衣，点解有个人响处东张西望，鼠鼠鬼鬼咁（介）梗系跟踪我既人定叻，嘿，而家我唔怕叻（收桑叶）。

赵宠：（口古）姑娘，你系呢间屋既乜野人来呀，我想去拍门又唔敢，我怕人话我无端妄撞。

桂枝：（台口白）嘿，我一估就中叻（沙尘尘口古）喂，唔识既就千祈唔好放恣，你驶乜问我系边个呀，我就系刘家娇生惯养既大姑娘叻。

赵宠：（一才慢的的台口古）已经人穷剩得三分志，比佢一吓冇左添（介）大小姐我都唔系完全唔识既，不过系远的既亲戚，能否许我登门将你爹妈探访。

桂枝：（口古）嘿，睇你个样都唔似得系远亲近戚啦，如果系既又点会衫都无件着，咪话人识穿你呀，其实你有多少立心不良（拈桑叶箩欲下介）

赵宠：（重一才花下句）门前一席话，吐尽了世态炎凉。早知日落故人前潦死穷乡上。（欲下介）

桂枝：（白）咪行住（台口花下句）一言吐尽书香味（借意上前静静一看介）才与貌一样潇洒非常。（介）重衿任（介）留客庭前（介），待我通传堂上。（介）。

赵宠：（一才怒白）唔驶叻（中板下句）千里作寻亲未说青衫恨，何堪对此傲雪如霜，纵使有扑扑风尘难伉阮藉才多，我亦孤高自赏。历劫身，短了三分志气亦难。尽

掩轩昂。此处不容人，尚有海角天涯容此哀鸿放荡。
彩笔挂衿怀，虽是空拳赤手，亦可雁。塔名扬（花）
代我叩问表伯金安（介）。说道赵宠曾来拜访。

桂枝：（暗惊其才介白）你唔好行住，千日都系我聪明自作错
咗叻：……你你

（夫人志善食住上介）

夫人：（口古）唉吔，原来系赵家表少点解你呢咗都唔入去将
老身探望。（白）十几年未见过你叻。

赵宠：（口古）表伯母，我有心呢…投靠点知响门口听表妹讲
两句说话啫我就胆战心寒。叻

桂枝：（连随拉夫人台口口古）亚妈（咬耳色）你千祈唔好讲
出我嘅身世，否则就比人笑我得些好处就得罪人叻。
你横掂都当我系亲生一样。嘅啦

（夫人向志善咬耳朵介）

志善：（笑笑口古）表姐见你唔好怪你表妹呀因为近来乡村好
多坏人，暗中查人家宅，你表妹不能不处处提防。

赵宠：（花下句）表妹持家有责，请恕我人逢失意误解红妆。

夫人：（口古）赵家表少在你七岁大嘅时候，我就知到你头角
峥嵘将来一定位居人上。你呢得岩叻而家我将你表妹
呢许配于你，他日妻凭夫贵带挈我两老都有好收场。
过几日你就响呢处结咗婚先然后至另行择居村上。赵
家表少，我帮助你今科秋围赴试。你一定可以雁塔名
扬。

赵宠：（口古）待我拜谢深恩。唉，不过壮志未酬恐怕有失表

妹一切爱望。

桂枝：（羞羞口古）表哥何必灰心，若此所谓将相本无种前程远大未可量。

夫人：（白）后堂用饭。

赵宠：（白）系啰表伯母，我睇表妹梗系细我十年八年叻，我以前都未听见有个表妹嘅，表妹叫乜野名呀。

夫人：（这个连随拉志善台口白）你知唔知女儿叫乜野名呀。

志善：（白）我点知呀。

夫人：（白）冇话生女咁都唔知女名嘅啫（乡）咩赵家表少在未结婚前头号表妹结婚之后叫爱妹做咗官之后叫夫人，驶乜问名啫。（一笑拉宠下介）

——落幕——

第二场

（两便花园正面小厅景）

饰景说明：正面为小厅衣什边俱有厅门通出花园，花园有矮红栏杆围住，什边角有大树，树可容一八吊颈，厅正面有椅（幕序一年后）

（排子头一句开幕）

三春：（衣边上入厅花下句）欲求真快活怕也做狠心人，老人娶嫩妻，等如种一枝出墙红杏。

田旺：（叻叻古上介白）三春……

三春：（口古）哼，听见你叫三春就眼眉调叻，我所有的身家都将近比你输咗半份。

田旺：（口古）嘻嘻，闹者爱也闹多两句都有所谓，不过今日就唔系打情骂俏嘅时候叻，知否个老爷西陵贩马经已满载归林。

三春：（口古）如果佢番来问起个双儿女又点呢，田旺你得闲嘅时候有冇预全我谗一谗。呀

田旺：（口古）三春最难揞密，就系春花个把口是你见啦，佢成日喊苦喊弗，都系挂住个对小主人。

三春：（白）咁你有乜主意呀。

田旺：（白）我有乜主意架。

三春：（一才发火白）你有主意，我有主意（在椅垫底拈刀出，花下句）早料到有归来之日，黄蜂有毒点会尾后无针，一个小春花闻唔闻得住刚刀凶狠。（扬刀介）

田旺：（执住手花下句）小妹钉半条烂命，点似得夫人你忍气成金，切勿搞出人命官司，白玉马 坎。（白）杀死春花唔紧要，至怕坎烂我只钱罌咭。

三春：（笑白）杀人驶见血嘅咩（将刀掇回椅底介）全我叫春花出来。

（田旺向什边叫春花介）

春花：（上长花下句）夫人一声叫，双脚震腾腾好比阎王有票来引招，虽非摄魄亦勾魂，经已打到皮粗和肉鞭，断唔争在打多匀，拈家法准备上堂前，预先把牙根咬紧。法官准备上堂前要预先把牙根咬紧。

三春：（叫白）乜咁耐呀，春花我而家请你入来坐吓呀。

春花：（入跪介白）夫人。

三春：（口古） ，我唔系打你，驶乜咁慌咭，不过我得闲无事主仆上头叫你呢倾吓偈之吗，春花如果老爷番来问起小姐少爷嘅时候你答佢呢你都有相当责任。
嘅播

春花：（口古）你知啦，我春花一直都系肠直肚直嘅，照直讲都有碍呀，迫 又系 赶 又系 。唔迫唔赶都系话佢赶咗唔系了啰夫人。

三春：（口古）哦又赶又迫慌死冇人知系吗，话佢两个死咗唔得架，你唔好含糊带混。

春花：（口古）唉咗夫人，佢两个都未曾证实系死，又点可以安梗佢死呢，生共死唔调得错架吗，哪，譬如你而家生勾勾又准唔准我当你系死夫人呢。

三春：（拈刀出三才作劈杀状介白）死了哪（双）呢次睇吓我死抑或你死。

（春花跪地哀求介）

田旺：（做好做丑介白）春花好精乖，夫人你咪咁。春花都未嫁人，唔想咁快把棺材产。春花识世界嘅。夫人米大派。比个钱春花你买脂粉。比个钱春花煲汤饮。比个钱春花将嘴掩。（乡）

春花：（白）我唔敢（双）见倒张刀就也都敢。夫人你且开恩，咪琢我成面粉。

三春：（白）如果老爷番来问你你就话佢两个死咗叻，田旺，我把菜刀交咗比你，如果春花有乜言差讲错（一才）嘿嘿，你就当奉神鸡咁割咗佢。

（田旺将马筒于衫袖介）

三春（白）春花你返入去。

（春花什边入介）

田旺：（白）三春佢番仅来嘅叻，快的去地主爷烧香啦。

李奇：（背行李衣边上白）哦，乜田旺你都响处呀，三春呢。

田旺：（白）呢你唔见咩，佢响地主烧仅香呀吗。

李奇：（放低行李白）乜咁神心呀。

三春：（走埋白）唉咗老爷，你番咗来呀，你去西陵贩马成年多至番来，搵咗好多啦吗。

李奇：（白）多多唔关你事。

（春花食住此介口卸上在门槛后偷看介）

（三春故意掩面大减一声介）

李奇：（口古）咗，大吉利是咩，依点解番咗来咁耐叻点解唔见咗保童桂枝呢，我每次番来离远就见佢两姐弟响门口将我等嘅叻。

三春：（喊介口古）唉老爷你唔见我响地主脚烧香咩，有边只鬼系践地主脚，桂枝保童都死咗叻（一才）唉你话几伤心嘢。

李奇：（先丰口古）吓保童桂枝死咗，三春，你讲真还是讲笑，我一世人膝下只有儿女一双，你唔好含糊带混。

田旺：（口古）李翁死人都可以讲笑嘅咩，几个月前佢两姐弟去游山玩水，桂枝跌咗落潭，保童落去救佢，两个都死埋尸骸都冲咗出海叻佢两个都有福咯有咁好嘅后母，都要自丧其身。

李奇：（重一才半晕长花下句）乜死得咁糊混。（双）咪当我三尺孩儿容易泵，须知我系须眉皆白嘅老年人，早知老夫嫩妇无幸运，一旦离家就祸患临，青竹蛇群黄蜂阵，两般皆不毒，最毒妇人心。

三春：（撒娇白）唉咁咁你点冤枉我都得啦，唔怪得话做猪都好过做后底咯有阴功咯（放声大喊）

李奇：（续花）唉，佢两个死得不白不明，我要叫出春花来拷问。（先丰拔枪家法跌椅叫春花了）

（快云云）（春花上前跪下了）

李奇：（喊了口古）春花你四岁大我就买你番来陪小姐，陪到今时今日假如小姐点样比人刻薄你都唔讲比我听，你呢世人就太过冇情感。

春花：（听一句喊一句口古）总之小姐少爷就系惨嘅叻，如果系唔惨点会至爱嘅老豆都见唔倒好比小鸟离群。

（田旺暗里拈刀恐恐赫赫）

李奇：（口古）春花咁你小姐少爷系唔系死咗啦，点死法，摸住良心至好讲，我点待你，你知，而家系你一个人至得我信任。

春花：（望田郎口古）话佢地死咗唔系当系死咗罗，有乜点死法啫唔系就系病死罗，如果唔系急症又点会有不测风云。

李奇：（白）哼，一个又话跌落潭，一个又话急症死前言不对汝语，三春骗我唔伤心，连春花都瞞我，至心痛我要打死你个忘恩负义嘅臭丫头，我要采死你呢个受人收买嘅死妹钉。（乱打介）

春花：（白）噯咁我讲咯（双）肉痛都可以唔讲，心痛又点可以唔讲呢。

田旺：（口古）唔好咁激气叻，李翁等我 只鸡（一才）炖的野比你食啦，几十岁人伤亲条气就唔系几稳阵。

三春：（口古）就算唔杀鸡都要杀鸭（一才）烧番的衣纸来尽吓后母心。

李奇：（白）你两个栏开，春花你讲，你讲啦（乱打打错三春）

春花：（一路睇田旺眼色一路秃头中板下句）老爷你贩马西陵去后家无宁日（一才）好在有个贤淑夫人。若问后娘心好比蛇蝎一窝（一才）独系夫人无份。小姐在闺房，偷垂珠泪（一才）见保童一病沉沉。纵使有丧钟也不

响在积善门楣（一才）可惜天公糊混。不见病沉沉，
不见药炉烟起（一才）谁料瞬刻离魂。

（李奇食住每一才问一句无意回头见田旺指手画脚）

春花：（续唱花上句），总之生不如死（一才）死不容生（一才），既死又何须再问。

李奇：（白）死妹钉你一句说话分开两截讲（再打几吓）今日打死你我总有一日打死你既，（口古）你翻番入去房摄高个枕头，唔好咁早困呀（春花一路喊下介）

田旺：（口古）唉，伤心就唔怪得伤心既，（介）亚嫂倒盆水扭条手巾比李翁抹吓块面好的服侍佢呀，而家佢都无儿无女咯，死剩你呢个枕边人。

（宝子）（三春扭手巾替李抹面假细心介）（暴风雨灯光略晴）

春花：（拈丝绦带一条食住宝子上台口喊介白）老爷叫我唔好咁早困暗示佢一阵会来问我，咁就瞞得一时唔避得一世，假如老爷唔识穿佢地重可以多活几时，假如我话比老爷听，咁识穿左佢迫虎跳墙之下会伤埋老爷条命算叻，在我未死之前我要叩三个响头，一个叩比老爷（介）第二个叩比小姐（介）第三个叩比少爷（介）多谢养育之恩就算叻（快儿落在树丫吊颈死介）（行雷闪电介）

（田旺望见窗外大叫介）

（三春乘机出什边门打锣介）

李奇：（先丰跋扑出台口古）成个死梗，田旺快的放下尸灵，我想抱佢落来都唔敢。

田旺：（口古）你比五百万我都唔敢放佢落来呀，我生平最怕
系死人。（两地保衣边上一留场上复卸下）

（李奇央求田旺放下尸灵介）

（田旺望三春眼色介）

（三春叫地保注意后则点头介）

（田旺解下春花放在石后介）

（春花可卸入场用一样高矮之枚香着春花衫代替尸骸便可。）

（头锣三声）（四衙役四侍卫门子胡敬衣边上入宠介）

（地保随全上介）

胡敬：（口古）据地保所言，呢处既妹仔春花，点解会悬树弊
命，系迫死抑或自杀，你地要答吾所问。

田旺：（白）我呢世人最抱不平既，（口古）夫人婢女春花系
李奇因奸不遂而迫死既（一才）第一点系佢叫我代佢
放下尸灵有地保睇住架，咁就会无私显见私，第二点
我听住佢叫春花唔好咁早困，其实佢个阵就起了淫心。

李奇：（连随跪下口古）唉也，田旺，我与你无冤无仇点解你
含血将人喷。（白）大人，明察（叩头莫仰视介）

三春：（故意喊介口古）唉，老爷，我都话过准你收亚春花做
妾侍既咯，你又驶乜偷偷摸摸迫死佢惹罪缠身呢。

胡敬：（大声口古）照我睇李奇白发苍苍唔似会推残脂粉。（田
旺暗中贿艮一筒胡敬声线亦跟住较低一点）不过咁番，
有好多猛火炸煎堆，皮老心唔老，知人口面不知心。（受
艮再细声）如果唔系立意图奸，又点会叫个妹仔咁早
困（再受艮介）重叫别人把尸灵放下，铁定系行凶之